

Prof. dr. Sabina Mahmutović Vranić

Sabina Mahmutović Vranić diplomirala je 1996. godine na Medicinskom fakultetu u Sarajevu gdje je od 1997. godine u zvanju asistenta na Katedri za medicinsku mikrobiologiju. Magistrirala je 2002. i doktorirala 2006. godine Univerzitet u Sarajevu-Medicinski fakultet.

Specijalista je medicinske/kliničke mikrobiologije sa parazitologijom od 2003. godine. Od 2020. godine redovna je profesorica na Katedri za medicinsku mikrobiologiju Univerzitet u Sarajevu-Medicinski fakultet. Bila je šef Katedre za medicinsku mikrobiologiju (20016.-20018.). Učestvuje u izvođenju nastave kao odgovorni nastavnik i predavač na osam predmeta Univerzitet u Sarajevu-Medicinski fakultet i Stomatološki fakultet sa stomatološkim kliničkim centrom. Usavršavala se kao dobitnica tromjesečne stipendije "The British Scholarship Trust", u Velikoj Britaniji na "Centre for Applied Microbiology and Research", CAMR, Salisbury, 1998. godine, gdje je stekla osnove iz molekularne dijagnostike, oblast Virusologija, te stipendije Fulbright-Pre Doctoral Program na John Hopkins University School of Medicine, Division of Infectious Diseases, Baltimore, MD, 2004.-2005. godine, gdje je implementirala i svoju doktorsku disertaciju pod naslovom: „Detekcija human papilloma virusa tehnikom polimeraza lančane reakcije i imunocitokemijom: Mogućnost implikacije kao screening program rizične populacije“, te odbranila po povratku u BiH. Spolno prenosive bolesti su naučno polje interesovanja i djelovanja. Kao jedan od odgovornih nastavnika, učesnik je u kreiranju predmeta „Zoonoses and Emerging Infectious Diseases“ na Interdisciplinarnom studiju „Jedinstveno zdravlje“ u Centru za interdisciplinarne studije Univerzitet u Sarajevu, u periodu 2016.-2017. godine.

Član je udruženja mikrobiologa FBIH. Do sada je kao autor i koautor objavila 67 radova na internacionalnim kongresima i u velikom broju naučnih časopisa, od kojih je 46 *in extenso* u indeksiranim časopisima, gdje kao prvi autor potpisuje 25 *in extenso* naučna rada. Učestvovala je u pisanju šest recenziranih i nerecenziranih udžbenika i knjiga koje se koriste na Univerzitet u Sarajevu-Medicinskom fakultet kao obavezna i preporučena literatura, od kojih 3 potpisuje kao prvi autor, te kao voditelj, aktivni sudionik i istraživač u deset naučnih i naučno–istraživačkih projekata, u domaćim i međunarodnim okvirima.